



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

06.10.2021թ.

Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ԳԲՔԱ-ԼՕ-2021/67

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Ռ. Մկրտչյանի

Պատվիրատու՝ «Նորք-Մարաշ բժշկական կենտրոն» ՓԲԸ
Բողոք բերող՝ «Մեգիէլ» ՍՊԸ

Մասնակցությամբ՝
«Նորք-Մարաշ բժշկական կենտրոն» ՓԲԸ-ի ներկայացուցիչներ՝ Տ. Զիլավյանի, Կ.
Դրամբյանի,
«Մեգիէլ» ՍՊԸ-ի ներկայացուցիչ՝ Ա. Սարգսյանի,

Գնման ընթացակարգի ծածկագիրը և առարկան՝
«ՆՄԲԿ-ԲՄԱՊՁԲ-21/76» ծածկագրով բաց մրցույթ, բժշկական նշանակության
ապրանքների ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ քննող
անձ), քննության առնելով «Մեգիէլ» ՍՊԸ-ի (այսուհետ նաև՝ Ընկերություն) կողմից
10.08.2021թ.-ին ներկայացրած բողոքը (այսուհետ նաև՝ Բողոք) և կից փաստաթղթերը,

Պ Ա Ր Ձ Ե Ց

1. Գործի նախապատմությունը.

Դիմելով ՀՀ գնումների հետ կապված բողոքներ քննող անձին՝ Ընկերությունը ներկայացրած բողոքով խնդրել է պարտավորեցնել «ՆՄԲԿ-ԲՄԱՊՁԲ-21/76» ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-5-րդ չափաբաժիններում՝ բողոքով ներկայացված հիմնավորումներով:

Բողոքներ քննող անձին (Գ. Ներսիսյանին) գործը մակագրվել է 10.08.2021թ.-ին:

Հիմք ընդունելով ՀՀ ֆինանսների նախարարի 25.08.2021թ.-ի թիվ 450-Ա Բողոքներ քննող անձ՝ Գ. Ներսիսյանին 2020-2021թ.-երի աշխատանքային տարվա ամենամյա արձակուրդ տրամադրելու մասին հրամանը, բողոքի քննությունը 06.09.2021թ.-ին փոխանցվել է Բողոքներ քննող անձ Լ. Օհանյանին:

07.09.2021թ.-ին www.gnumner.am կայքում հրապարակված հայտարարությամբ բողոքը ընդունվել է վարույթ, տրվել է թիվ ԳԲԲԱ-ԼՕ-2021/67 համարի ծածկագիրը:

14.09.2021թ.-ին, 23.09.2021թ.-ին, 04.10.2021թ.-ին և 06.10.2021թ.-ին նշանակվել և հրավիրվել են նիստեր:

Գործի քննությունն ավարտվել է 04.10.2021թ.-ին և Բողոքներ քննող անձի որոշման հրապարակման օր է նշանակվել 06.10.2021թ.-ին:

2. «Մեզիէլ» ՍՊԸ-ի ներկայացրած փաստերը, հիմնավորումները և պահանջը.

«Մեզիէլ» ՍՊԸ-ն 10.08.2021թ.-ին ներկայացրած բողոքով հայտնել է հետևյալը.

«1.1 «Նորք-Մարաշ բժշկական կենտրոն» ՓԲ ընկերության (հեղափոխություն) կողմից հայտարարվել է ՆՄԲԿ-ԲՄԱՊՁԲ-21/76 ծածկագրով բաց մրցույթ, որն իրականացվելու է մեկ փուլով:

1.2 Հրավերը հրապարակվել է 08.07.2021թ և մասնակցության հայտերի ներկայացման վերջնաժամկետ է սահմանված 12.08.2021թ ժամը՝ 12:00 ներառյալ: Հայտերի բացումը տեղի է ունենալու 12.08.2021թ ժամը 12:00-ին:

1.3 «Մեզիէլ» ՍՊ ընկերությունը (հեղափոխություն՝ Ընկերություն) ՆՄԲԿ-ԲՄԱՊՁԲ-21/76 ծածկագրով մրցույթին մասնակցելու նպատակով ուսումնասիրելով հրավերը՝ տեխնիկական բնութագրերում արձանագրել է «Գնումների մասին» ՀՀ օրենքով սահմանված պահանջների անհամապատասխանություն:

1.4 Ըստ Ընկերության «Գնումների մասին» ՀՀ օրենքի և ՀՀ կառավարության 04.05.2017թ թիվ 526-Ն որոշման պահանջներին չեն համապատասխանում մրցույթի 1-5-րդ չափաբաժինները:

«Գնումների մասին» ՀՀ օրենքի հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի գնումների և գնումների գործընթացի տնտեսող, արդյունավետ և օգտավետ իրականացումը:

Համաձայն Օրենքի 3-րդ հոդվածի 2-րդ մասի Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ներկայացված նորմերի վերլուծությունից փաստում ենք, որ գնումների օրենսդրությունը հիմնվում է գնման գործընթացի մրցակցային, թափանցիկ, համաչափ, հրապարակային, ոչ խտրական գնման գործընթացին մասնակցելու իրավահավասարության սկզբունքների վրա, ապահովելով գնումների գործընթացի տնտեսող, արդյունավետ և օգտավետ իրականացում:

Օրենքի 13-րդ հոդվածի համաձայն

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը...:

ՀՀ կառավարության 04.05.2017թ թիվ 526-Ն որոշման (հետայսու՝ Կարգ) 22-րդ կետի համաձայն գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Օրենքի 25-րդ հոդվածի 2-րդ մասի համաձայն արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պարզվիրատուն հիմնավորում է նման խմբավորման անհրաժեշտությունը: Գիծարկվող չափաբաժինների տեխնիկական բնութագրերը չեն համապատասխանում նշված նորմի պահանջներին:

Վիճարկվող չափաբաժիններով խմբավորված են առանձին բնութագրեր ունեցող գնման առարկաներ, որը Օրենքի 25-րդ հոդվածի 2-րդ մասի խախտում է:

Ընթացակարգ 1-ին չափաբաժնով պահանջվում է փական բիոլոգիական՝ սրտի փականի բիոլոգիական պրոտեզ առրտալ և միտրալ, երեք թերթիկանի, խոզի պերիկարդից, առրտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պարվիրատուի պարտերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

2-րդ չափաբաժնով պահանջվում է փական բիոլոգիական՝ Սրտի փականի բիոլոգիական պրոտեզ առրտալ և միտրալ, երեք թերթիկանի, խոզի փականի թերթիկներից, առրտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պարվիրատուի պարտերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

3-րդ չափաբաժնով պահանջվում է փական մեխանիկական՝ Սրտի փականի մեխանիկական պրոտեզ առրտալ և միտրալ, առրտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պարվիրատուի պարտերի: Պայմանագրի կատարման փուլում պետք է ներկայացվի

ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

4-րդ չափաբաժնով պահանջվում է փական մեխանիկական՝ Սրբի փականի մեխանիկական պրոտեզ առտրալ և միտրալ, առտրալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

5-րդ չափաբաժնով պահանջվում է փական մեխանիկական՝ Սրբի փականի մեխանիկական պրոտեզ առտրալ և միտրալ, առտրալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:

Պատվիրատուն մեկ չափաբաժնում խմբավորել է առանձին բնութագրեր ունեցող գնման առարկաներ, որը օրենքի 25-րդ հոդվածի խախտում է, իսկ օրենքի պահանջներին չհամապատասխանող հրավերը, տեխնիկական բնութագիրը չեն կարող ապահովել օրինական գնման գործընթաց, քանի որ այն խոչընդոտում է հնարավոր մասնակիցների մասնակցության իրավունքը և խմբավորումը կհանգեցնի օրենքի 3-րդ և 25-րդ հոդվածի խախտման:

Պատվիրատուն մեկ չափաբաժնում խմբավորելով տարբեր չափերի ապրանքներ, չհստակեցված քանակ, թե որ չափից քանի հատ է անհրաժեշտ և միևնույն ժամանակ պայման է սահմանել, որ պետք է ապրանքը մատակարարվի պատվիրատուի պատվերից հետո 5-օրյա ժամկետում, ըստ էության խոչընդոտներ է ստեղծում մասնակիցների շրջանակի սահմանափակման միտումով: Մեկ չափաբաժնում ներկայացված տարբեր չափերի և չհստակեցված քանակի պայմաններում Պատվիրատուն մատակարարի համար անկանխատեսելի պայման է թելադրում:

Օրենքի 25-րդ հոդվածի խախտմամբ ներկայացված տեխնիկական բնութագրի և մատակարարման կարճ ժամկետի պայմաններում հնարավոր մասնակցի համար անկանխատեսելիություն է առաջանում, որն էլ սահմանափակում է մասնակիցների շրջանակի ընդլայնումը հանգեցնելով Օրենքի 3-րդ հոդվածի օրենքի նպատակի և սկզբունքների խախտման, որի պարագայում չենք կարող արձանագրել, թե ընթացակարգի արդյունքները կարող են արձանագրվել Օրենքի և Կարգի պահանջներին համապատասխան:

Պատվիրատուի ներկայացրած տեխնիկական բնութագրերը պետք է լինեն հստակ ընկալելի, խոչընդոտներ չառաջացնող, տարընկալման տեղիք չտվող, մասնակցությունը՝ չսահմանափակող, հնարավոր մասնակիցների ընդլայնում և մրցակցություն ապահովի:

Օրենքի 46-րդ հոդվածը բողոքարկման իրավունք է վերապահում յուրաքանչյուր անձի, ով գտնում է, որ իր իրավունքները խախտվել են կամ կարող են խախտվել Օրենքին չհամապատասխանող գործողությունների, որոշումների առկայությամբ և շահարգիչ կողմ է հանդիսանում:

Օրենսդիրը յուրաքանչյուր անձի բողոքարկման իրավունք վերապահելով Օրենքով և Կարգով սահմանված նորմերի կիրառման դեպքում սահմանափակում է այլ դրույթները մեկնաբանել հետևյալ համատեքստում, եթե մեկ չափաբաժնով գնման ընթացակարգին կարող է մասնակցել օրինակ երկու մասնակից կամ երկու արտադրողի ապրանք է համապատասխանում ներկայացված տեխնիկական բնութագրին, ապա դա բավարար է որպեսզի գնահատել, որ տեխնիկական բնութագիրը համապատասխանում է Օրենքի 13-րդ հոդվածին և Կարգի 22-րդ կետին: Կիրառվող նորմի մեկնաբանությունը պետք է բխի Օրենքի նպատակներից և սկզբունքներից, իսկ Օրենքի 3-րդ հոդվածով ղեկավարվելու պարագայում կապահովի յուրաքանչյուր անձի իրավունքի իրացման իրական հնարավորություն:

Այսպիսով,

Պատվիրատուին պարտավորեցնել մեկ չափաբաժնով խմբավորված տարբեր ապրանքները ներկայացնել առանձին չափաբաժիններով հստակ նշելով՝ յուրաքանչյուր չափով պահանջվող քանակ, ապահովելով՝ ոլորտը կարգավորող օրենսստորի պահանջը: Ի դեպ դրանք իմպերատիվ նորմեր են և հայեցողական մեկնաբանության արդյունքում հարմայությունից ելնելով առաջնորդվելու իրավասությամբ օրենսդիրը կիրառողներին չի փազորել:

3. Բողոքի ընդունելության հիմնավորում.

Սույն բողոքը համապատասխանում է «Գնումների մասին» օրենքի 50-րդ հոդվածի 1-ին մասի պահանջներին.

1. Գնումների հետ կապված բողոքներ քննող անձին բողոքը ներկայացվում է գրավոր, ստորագրված, դրանում ներառելով

1) բողոքը ներկայացրած անձի անվանումը (անունը, ազգանունը, անձը հաստատող փաստաթղթի պատճենը) և հասցեն.

2) պատվիրատուի անվանումը և հասցեն.

3) բողոքարկվող գնման ընթացակարգի ծածկագիրը և առարկան.

4) վեճի առարկան և բողոքը ներկայացրած անձի պահանջը.

5) բողոքի փաստացի և իրավական հիմքերը, ապացույցները.

6) բողոքարկման վճարը կատարած լինելը հիմնավորող փաստաթղթի պատճենը:

7) այլ անհրաժեշտ տեղեկություններ:

Օրենսդրի կողմից սահմանված վերը նշված պահանջներն առկա են սույն բողոքում:
Համաձայն նշված հոդվածի 1-ին մասի 4-րդ կետի բողոքվ ներկայացված է վեճի առարկան և պահանջը:

Եթե բողոքով ներկայացված վեճի առարկայի և պահանջի միջև ՀՀ գնումների հետ կապված բողոքներ քննող անձի դիտարկմամբ կան որոշակի անհստակություններ, ապա դա ամենևին բողոքը վերադարձնելու հիմք չի կարող լինել, իսկ բողոքը վարույթ ընդունելը մերժելու հիմքեր «Գնումների մասին» ՀՀ օրենքը չի նախատեսում:

Ներկայացված բողոքի իրավական հիմքերի և ապացույցների լրացման, փոփոխման նպատակով բողոքաբերը սահմանափակված չէ և դրանք կարող է ներկայացնել նաև բողոքողի քննության ընթացքում, ինչ վերաբերում է բողոքի պահանջին և վեճի առարկային, ապա այդ առումով ևս բողոքաբերը սահմանափակված և կաշկանդված չէ լրացնելու և/կամ փոփոխելու, հստակեցնելու բողոքի քննության ընթացքում, ընդհուպ մինչև բողոք քննող անձի կողմից որոշում կայացնելը: Պահանջի փոփոխման, լրացման կամ նոր ապացույցներ և իրավական հիմքեր ներկայացնելու անհրաժեշտությունը կարող է առաջանալ նաև կապված Պատվիրատուի ներկայացրած դիրքորոշումից:»:

Ներկայացված բողոքով Ընկերությունը, Բողոքներ քննող անձին խնդրել է պարտավորեցնել «ՆՄԲԿ-ԲՄԱՊՁԲ-21/76» ծածկագրով բաց մրցույթի գնահատող հանձնաժողովին փոփոխություններ կատարել հրավերի 1-5-րդ չափաբաժիններում՝ բողոքով ներկայացված հիմնավորումներով:

01.10.2021թ.-ին ներկայացված բողոքի լրացմամբ, Ընկերությունը հայտնել է հետևյալը.

«Թիվ ԳԲԲԱ-ԼՕ-2021/67 համարի ներքո քննվող բողոքի առնչությամբ Պատվիրատուն ներկայացրել է իր դիրքորոշումը կից փաստաթղթերով, որի առնչությամբ հայտնում ենք հետևյալը.

1. 20.04.2021թ թվագրված և վերնագրված «Մասնագիտական կարծիք» գրությունը վերաբերելի չէ 10.08.2021թ ներկայացված բողոքին, բացի այդ 07.09.2021թ դիրքորոշմամբ փաստարկված չէ թե 20.04.2021թ մասնագիտական կարծիքով հատկապես ինչ հանգամանք է Պատվիրատուն փորձում հիմնավորել:

20.04.2021թ «Մասնագիտական կարծիք»-ը ներկայացվել է ԳԲԲԱ-ԼՕ-2021/30 բողոքի քննության ընթացքում:

Այնուամենայնիվ նշված գրության առնչությամբ հայտնում ենք.

20.04.2021թ գրությունը մասնագիտական կառույցի կողմից չի տրվել: Այդ գրությամբ բժկական կենտրոնի տնօրեն Մ. Ադամյանը հարց է առաջադրել ինքն իրեն և հայտնել կարծիք, հավանաբար որպես բժիշկ, մինչդեռ պետական գնումների տիրույթում Մ. Ադամյանը կառավարչական լիազորություններով պետք է առաջնորդվի:

Իր կարծիքի հավաստիությունը հիմնավորելու նպատակով այն ստորագրել են բժիշկներ:

Գրությամբ երեք հարցադրում է ներկայացված որոնցից 1-ինը և 3-րդը վերաբերում են կառավարման և ապրանքների ձեռքբերման պայմանագիր կնքելուն, որի վերաբերյալ բժիշկների կողմից հավաստումը, որ համաձայն են դիրքորոշման հետ, որքանով է ընդունելի: Ինչ վերաբերում է 2-րդ հարցադրմանը այն է՝ նույն անոթի մեջ միաժամանակ տարբեր արտադրողների դեղապատ ստենտեր տեղադրելուն, ապա դա ինչ առնչություն ունի 10.08.2021թ ներկայացված բողոքի հետ:

Հարց - 1. արդյոք 20.04.2021թ կարծիքը ստորագրող բժիշկները իրազեկված են եղել բողոքի առկայության մասին,

2. արդյոք իրազեկված են եղել բողոքով բարձրացված օրենքի խախտումների մասին և Մ. Ադամյանի կարծիքի հետ համակարծիք են բողոքի կոնտեքստից ելնելով,

3. արդյոք իրազեկված են եղել, որ այդ «մասնագիտական կարծիք»-ը ներկայացվելու է գնումների հետ կապված բողոքներ քննող անձխլի Մ. Ադամյանի կարծիքը կիսելու հինավորվածության վերաբերյալ կարող են հրավիրվել և պատասխանել որոշ հարցերի, այդ թվում՝ որքանով են իրավասու պայմանագրային հարաբերությունների վերաբերյալ տեսակետ կիսել որպես բժիշկ:

2. ՀՀ առողջապահության նախարարության 22.07.2016թ թիվ ԱՄ/06.1/8130-16 գրությունը ևս վերաբերելի չի կարող լինել ԳԲՔԱ-ԼՕ-2021/67 համարի ներքո քննվող բողոքին, քանի որ այդ գրությամբ հղում արված իրավական ակտերը այլևս ուժի մեջ չեն, իսկ իրավական ակտի բացակայությունը չի կարող իրավական հետևանք և կիրառելիություն ապահովել, բացի այդ Պատվիրատուն չի հիմնավորում թե հատկապես ինչպիսի հանգամանքի փաստարկված հիմնավորմանն է ուղղված 22.07.2016թ գրությունը:

3. 07.09.2021թ դիրքորոշմամբ Պատվիրատուն հայտնում է հետևյալը. «Ընդ որում, գնման առարկաների տեխնիկական բնութագրերը կազմելիս Պատվիրատուները չեն կարող հաշվի առնել աշխարհում բոլոր արտադրողների կողմից հնարավոր առաջարկները և բնութագրերը կազմել «բոլոր հնարավոր առաջարկներին համապատասխանող» սկզբունքով քանի որ դա կենթադրի գրել միայն ապրանքի անունը և չբնութագրել այն»:

Սույն դիրքորոշումը վկայումն է այն բանի, որ Պատվիրատուն բողոքով բարձրացված հարցը ճիշտ չի գնահատել: Բողոքը վերաբերում է, որ ՆՄԲԿ-ԲՄԱՊՁԲ-21/76 ծածկագրով գնման ընթացակարգի տեխնիկական բնութագրերը կազմվել են «Գնումների մասին» ՀՀ օրենքի 25-րդ հոդվածի խախտմամբ: Համաձայն 25-րդ հոդվածի 2-րդ մասի՝ արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

Տարակուսելի է այն, որ «Նորք-Մարաշ» Բժշկական կենտրոն» ՓԲ ընկերությունը այլ պատվիրատուների անունից է հանդես գալիս:

Պատվիրատուն հայտնում է նաև ««Նորք-Մարաշ» բժշկական կենտրոն» ՓԲԸ-ն հանդիսանում է մասնագիտացված բժշկական կենտրոն և իրականացնում է սրտի վիրաբուժության հետ կապված ծառայություններ»:

Պատվիրատուն մշտապես շահարկում է, որ «Նորք-Մարաշ» բժշկական կենտրոն» ՓԲ ընկերությունը մասնագիտացված բժշկական կենտրոն է: Ի դեպ այդ իրողությունը հայտնի է ինչպես Հայաստանի Հանրապետությունում բնակվողներին, այնպես էլ շատ այլ երկրներում բնակվող անձանց:

Օրենսդիրը «Գնումների մասին» ՀՀ օրենքը ընդունելով և գործադիրը 04.05.2017թ թիվ 526-Ն որոշման ընդունմամբ կարծում են բավականաչափ ուսումնասիրել և ընկալել են, որ նշված իրավական ակտերով պետական գնումներ են իրականացնելու նաև մասնագիտացված բժշկական կենտրոնները:

Այսպիսով, մեր գնահատմամբ Պատվիրատուի ներկայացրած փաթեթը վերաբերելի չէ ԳԲԲԱ-ԼՕ- 2021/67 համարի ներքո քննվող բողոքին:»:

3. «Նորք-Մարաշ բժշկական կենտրոն» ՓԲԸ-ի կողմից բողոքի վերաբերյալ ներկայացված փաստարկները, հիմնավորումները և դիրքորոշումը.

Բողոքներ քննող անձը 13.08.2021թ.-ին թիվ /ԲԲԱ-ԳՆ/1/12976-2021 գրությամբ դիմել է «Նորք-Մարաշ բժշկական կենտրոն» ՓԲԸ-ին (այսուհետ նաև՝ Պատվիրատու), հնարավորություն տալով «Մեգիել» ՍՊԸ-ի կողմից 10.08.2021թ.-ին ներկայացված բողոքի վերաբերյալ ներկայացնել անհրաժեշտ բոլոր փաստաթղթերի պատճեններն ու Պատվիրատուի գրավոր կարծիքը:

Պատվիրատուն ստանալով գրավոր դիրքորոշում հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, ներկայացել է հրավիրված նիստերին:

Պատվիրատուն 07.09.2021թ.-ին թիվ 08-397 գրությամբ ներկայացված դիրքորոշմամբ հայտնել է հետևյալը.

«Ի պատասխան <<Մեգիէլ>> ՍՊԸ-ի կողմից ՆՄԲԿ-ԲՄԱՊՁԲ-21/76 ծածկագրով գնման ընթացակարգի (այսուհետև՝ Ընթացակարգ) վերաբերյալ 10.08.2021թ. ներկայացված ԳԲԲԱ-ՆԳ-2021/63 ծածկագրով բողոքի, հայտնում ենք հետևյալը.

<<Գնումների մասին>> ՀՀ օրենքի (այսուհետև՝ Օրենք) 3-րդ հոդվածի 1-ին կետը սահմանում է հետևյալը.

<< 1. Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ.

2) գնումների և գնումների գործընթացի տնտեսող, արդյունավետ և օգտավետ իրականացում:>>

Օրենքի 13-րդ հոդվածը սահմանում է հետևյալը.

<< 1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով փարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվափոփոխիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր փոփոխիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը: >>

Օրենքի 7-րդ հոդվածի 1-ին և 2-րդ մասերի համաձայն.

<<1. Ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

2. Գնումների գործընթացին որևէ երկրի ռեզիդենտ հանդիսացող անձի (անձանց) մասնակցությունը կարող է սահմանափակվել միայն Հայաստանի Հանրապետության կառավարության որոշմամբ, եթե դա անհրաժեշտ է Հայաստանի Հանրապետության ազգային անվտանգության և պաշտպանության ապահովման համար:>>

Օրենքի 25-րդ հոդվածի 2-րդ կետը սահմանում է հետևյալը.

2. Արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

<< Կառավարության 04.05.2017թ. թիվ 526-Ն որոշմամբ հաստատված <<Գնումների գործընթացի կազմակերպման կարգ>>-ի (այսուհետև՝ Կարգ) 22-րդ կետի համաձայն .

<<Գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի>>

Կարգի 4-րդ կետը սահմանում է հետևյալը.

<<Գնման գործընթացը հետևյալ գործընթացների (գործառույթների) ամբողջությունն է՝

- 1) գնումների պլանավորում.
- 2) գնման գործընթացի կազմակերպում (ներառյալ գնման առարկայի բնութագրերի հաստատումը).
- 3) պայմանագրի կնքում.
- 4) պայմանագրի կատարում և կառավարում:>>

Վերոնշյալ իրավական ակտերով սահմանված դրույթները մեկ ընդհանրության մեջ դիտարկելով պարզ է դառնում, որ Պատվիրատուները պետք է գնման առարկաները բնութագրեն և գնում կատարեն իրենց կարիքին համապատասխան, հնարավորինս լիարժեք բնութագրելով ապրանքը, սակայն հաշվի առնելով Կարգի 22-րդ կետի պահանջները՝ այն է, տեխնիկական բնութագրերը կազմել այնպես, որ դրանց բավարարեն մեկից ավելի արտադրողներ և հնարավոր մասնակիցներ՝ դրանով իսկ ապահովելով տեխնիկական բնութագրերի ոչ խտրական լինելուն վերաբերող Օրենքի պահանջները: Ընդ որում, գնման առարկաների տեխնիկական բնութագրերը կազմելիս Պատվիրատուները չեն կարող հաշվի առնել աշխարհում բոլոր արտադրողների կողմից հնարավոր առաջարկները և բնութագրերը կազմել <<բոլոր հնարավոր առաջարկներին համապատասխանող>> սկզբունքով, քանի որ դա կենթադրի գրել միայն ապրանքի անունը և չբնութագրել այն:

<<Նորք-Մարաշ>> բժշկական կենտրոն>> ՓԲԸ-ն հանդիսանում է մասնագիտացված բժշկական կենտրոն և իրականացնում է սրտի վիրաբուժության հետ կապված ծառայություններ: Պատվիրատուն իր բնականոն գործունեության ապահովման համար անհրաժեշտ ապրանքների պլանավորումն ու քանակների սահմանումն իրականացնում է նախորդ տարվա բժշկական միջամտությունների քանակի և դրանց ընթացքում իրականացված ապրանքների ծախսի հիման վրա: Եթե նախորդ տարում, բժշկական կենտրոնն իրականացրել է X պայմանական թվով փականային վիրահատություն, ապա դա այն բազային տվյալն է, որը հաշվի է առնվում գնման պլանը, ինչպես նաև ծախսերի և եկամուտների նախահաշիվը կազմելիս: Ընդ որում սրտի վիրաբուժության ոլորտում առկա են

այնպիսի առանձնահատկություններ, երբ կիրառվելիք ապրանքի չափի և ձևի ընտրությունը պարզվում է միայն հիվանդի առկայության պայմաններում, և պահանջարկը ուղղակիորեն կապված է կոնկրետ մարդու ֆիզիկական տվյալներից: Շատ հաճախ հենց միջամտության ընթացքում է իրականացվում վերջնական, ճշգրիտ չափի ընտրությունը և կիրառվում ապրանքը: Այդ առանձնահատկությունով պայմանավորված Պատվիրատուները չեն կարող ըստ առանձին չափերի և ձևերի կատարել հստակ քանակական կանխատեսումներ, ուստի և իրականացնել ճշգրիտ պլանավորում ծախսերի և եկամուտների նախահաշվի շրջանակներում: Հակառակ դեպքում պետք է անորոշ կամ չհիմնավորված շատ քանակներով (Պատվիրատուի կարիքին ոչ համապատասխան) իրականացվի պլանավորում բոլոր չափերի մասով, ինչը հանգեցնելու է փարեկան եկամուտների և ծախսերի նախահաշվի բացասական սալդոյի ձևավորմանը, երբ նույն եկամուտների պարագայում անհամաչափ մեծանալու է ծախսային բաղադրիչը: Նման իրավիճակը հակասում է Օենքով նախատեսված Պատվիրատուի կարիքին համապատասխան գնում կատարելու պահանջին: Ունենալով պարտադիր նվազագույն քանակի անհրաժեշտ պահեստավորում, փաստացի ծախսերից ելնելով Պատվիրատուն ապահովում է դրանց լրացումը պահեստում:

Այս առանձնահատկությունով է պայմանավորված հրավերով նախատեսված 1-ից 5-րդ չափաբաժիններում փարբեր չափեր և ձևեր ունեցող նմանադիպ ապրանքները նույն չափաբաժնում խմբավորելու փաստը: Անկանխատեսելիության մասով, որպես պաշտոնական պարզաբանում Ձեզ ենք տրամադրում ՀՀ ԱՆ նախարարի 22.07.2016թ. թիվ ԱՄ/06.1/8130-16 գրությունն ուղղված ՀՀ ֆինանսների նախարարին և ֆինանսների նախարարության պատասխանը ՀՀ Առողջապահության նախարարությանը, բժիշկների կողմից տրված մասնագիտական կարծիքներ, որտեղ առկա է փարբեր չափերի և ձևերի ապրանքների մեկ չափաբաժնում խմբավորված լինելու հիմնավորումը:

Մասնակցի այն պնդումը, որ հրավերով նախատեսված տեխնիկական բնութագրերը խտրական են և սահմանափակող ճիշտ չէ, քանի որ ընթացակարգին կարող են մասնակցել ինչպես ռեզիդենտ, այնպես էլ ոչ ռեզիդենտ ընկերություններ, որոնք ունեն հնարավորություն ներմուծել ապրանքը ցանկացած երկրից, ապրանքներ արտադրող ցանկացած կազմակերպություն ունի անկասկած մեկից ավելի ներկայացուցիչներ, դիստրիբյուտորներ: Բացի այդ յուրաքանչյուր չափաբաժնում ներառված ապրանքի տեխնիկական բնութագրերին համապատասխանում է մեկից ավելի արտադրող, որի համար ստորև ներկայացնում ենք տեղեկություն աղյուսակի տեսքով.

| | | | |
|-----------------|-------------------|--|---|
| Չափաբաժնի համար | Չափաբաժնի անվանու | Հրավերով նախատեսված տեխնիկական բնութագրերը | Նախատեսված տեխնիկական բնութագրերին համապատասխանող բնութագրերով ապրանք արտադրողների անվանումները |
|-----------------|-------------------|--|---|

| ը | մը | | | | |
|---|-------------------|---|--|--|--|
| 1 | Փական բիոլոգիական | Սրտի փականի բիոլոգիական պրոտեզ աորտալ և միտրալ, երեք թերթիկանի, խոզի պերիկարդից, աորտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ: | Մեդտրոնիկ https://europe.medtronic.com/xd-en/healthcare-professionals/products/cardiopulmonary/heart-valves-surgical/hancock-ii-hancock-ii-ultra-bioprostheses.html | Էբբոս https://www.cardiovascular.abbott/int/en/hcp/products/structural-heart/surgical-valve-solutions/epic-tissue-valve.html | |
| 2 | Փական բիոլոգիական | Սրտի փականի բիոլոգիական պրոտեզ աորտալ և միտրալ, երեք թերթիկանի, խոզի փականի թերթիկներից, աորտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ: | Էբբոս https://www.cardiovascular.abbott/int/en/hcp/products/structural-heart/surgical-valve-solutions/epic-tissue-valve.html | Մեդտրոնիկ https://europe.medtronic.com/xd-en/healthcare-professionals/products/cardiopulmonary/heart-valves-surgical/hancock-ii-hancock-ii-ultra-bioprostheses.html | |
| 3 | Փական մեխանիկական | Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ: | Սորին https://www.corcym.com/devices/aortic/carbo-medics https://www.corcym.com/devices/mitral/carbo-medics-m | Սենթ Ջուզ, https://www.cardiovascular.abbott/int/en/hcp/products/structural-heart/surgical-valve-solutions/regent-valve.html https://www.cardiovascular.abbott/int/en/hcp/products/structural-heart/surgical-valve-solutions/masters-mechanical-valves.html | Մեդտրոնիկ https://europe.medtronic.com/xd-en/healthcare-professionals/products/cardiopulmonary/heart-valves-surgical/open-pivot-mechanical-heart-valve.html |
| 4 | Փական մեխանիկական | Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ: | Սենթ Ջուզ, https://www.cardiovascular.abbott/int/en/hcp/products/structural-heart/surgical-valve-solutions/regent-valve.html https://www.cardiovascular.abbott/int/en/hcp/products/structural-heart/surgical-valve-solutions/masters-mechanical-valves.html | Սորին https://www.corcym.com/devices/aortic/carbo-medics https://www.corcym.com/devices/mitral/carbo-medics-m | Մեդտրոնիկ https://europe.medtronic.com/xd-en/healthcare-professionals/products/cardiopulmonary/heart-valves-surgical/open-pivot-mechanical-heart-valve.html |
| 5 | Փական մեխանիկական | Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում | Մեդտրոնիկ https://europe.medtronic.com/xd-en/healthcare-professionals/products/cardiopulmonary/heart-valves-surgical/open-pivot-mechanical-heart-valve.html | Սենթ Ջուզ, https://www.cardiovascular.abbott/int/en/hcp/products/structural-heart/surgical-valve-solutions/regent-valve.html | Սորին https://www.corcym.com/devices/aortic/carbo-medics |

| | | | | | |
|--|--|---|--|---|---|
| | | պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ: | pivot-mechanical-heart-valve.html | https://www.cardiovascular.abott/int/en/hcp/products/structural-heart/surgical-valve-solutions/masters-mechanical-valves.html | https://www.corcym.com/devices/mitral/carbomedics-m |
|--|--|---|--|---|---|

Ինչ վերաբերվում է մատակարարման ժամկետներին, ապա տեղեկացնում ենք, որ հրավերով նախատեսված սրտի փականները հանդիսանում են հատուկ կարևորության ապրանքներ, պահանջում են պահպանման և տեղափոխման հատուկ պայմաններ, ընդ որում բիոլոգիական փականների դեպքում նույնիսկ հատուկ սառնարանային տարաներ: Նման ապրանքների ներմուծումը Հայաստանի Հանրապետություն միշտ իրականանում են օդային ճանապարհով և առավելագույնս սեղմ ժամկետներում (երբեմն նույնիսկ 1-2 օր): Հատկանշական է նաև այն փաստը, որ նույն բողոք ներկայացնող ընկերությունը տարիներ շարունակ կնքել է պայմանագրեր, կատարել դրանք հենց այդպիսի պայմաններում: Պատվիրատուի կողմից ընդունելի չէ այն, որ նմանատիպ կարևորության և մարդու կյանքի համար խիստ անհրաժեշտ փականների մատակարարման համար սահմանվի անհիմն երկար ժամկետ:»:

4. ԳԲՔԱ-LO-2021/67 բողոքի քննության համար էական նշանակություն ունեցող փաստերը.

Սույն գործի քննության համար էական նշանակություն ունեցող փաստերի համաձայն՝

i. «Նորք-Մարաշ բժշկական կենտրոն» ՓԲԸ-ի կողմից բժշկական նշանակության ապրանքների ձեռքբերման նպատակով 28.07.2021թ.-ին հայտարարվել է «ՆՄԲԿ-ԲՄԱՊԶԲ-21/76» ծածկագրով բաց մրցույթ (այսուհետ նաև՝ Մրցույթ կամ Ընթացակարգ):

ii. Ընթացակարգի հրավերի հավելված 6-ով՝ պետության կարիքների համար ապրանքի մատակարարման պայմանագրի հավելված 1-ով՝ տեխնիկական բնութագիր - գնման ժամանակացույցով (այսուհետ նաև՝ Հավելված 1) 1-ից 5-րդ չափաբաժինների մասով սահմանվել է հետևյալը.

1-ին չափաբաժնի համար՝ ապրանքի անվանումը և ապրանքային նշանը սահմանվել է «Փական բիոլոգիական»: Վերջինիս տեխնիկական բնութագիրը սահմանվել է՝ «Սրտի փականի բիոլոգիական պրոտեզ առրտալ և միտրալ, երեք թերթիկանի, խոզի պերիկարդից, առրտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի: Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից

տրված երաշխիքային նամակ:»։ Արտադրողի և ապրանքային նշանի անվանում չի նշվել։ 2021-թ.ի գնման պլանով նախատեսված ընդհանուր քանակը նշվել է 20 հատ։

2-րդ չափաբաժնի համար՝ ապրանքի անվանումը և ապրանքային նշանը սահմանվել է «Փական բիոլոգիական»։ Վերջինիս տեխնիկական բնութագիրը սահմանվել է՝ «Սրտի փականի բիոլոգիական պրոտեզ աորտալ և միտրալ, երեք թերթիկանի, խոզի փականի թերթիկներից, աորտալ փականի չափսերը՝ 21, 23, 25, 27 և 29մմ, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի։ Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել։ 2021թ.-ի գնման պլանով նախատեսված ընդհանուր քանակը նշվել է 10 հատ։

3-րդ չափաբաժնի համար՝ ապրանքի անվանումը և ապրանքային նշանը սահմանվել է «Փական մեխանիկական»։ Վերջինիս տեխնիկական բնութագիրը սահմանվել է՝ «Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի։ Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել։ 2021թ.-ի գնման պլանով նախատեսված ընդհանուր քանակը նշվել է 30 հատ։

4-րդ չափաբաժնի համար՝ ապրանքի անվանումը և ապրանքային նշանը սահմանվել է «Փական մեխանիկական»։ Վերջինիս տեխնիկական բնութագիրը սահմանվել է՝ «Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի։ Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային նամակ:»։ Արտադրողի և ապրանքային նշանի անվանում չի նշվել։ 2021թ.-ի գնման պլանով նախատեսված ընդհանուր քանակը նշվել է 20 հատ։

5-րդ չափաբաժնի համար՝ ապրանքի անվանումը և ապրանքային նշանը սահմանվել է «Փական մեխանիկական»։ Վերջինիս տեխնիկական բնութագիրը սահմանվել է՝ «Սրտի փականի մեխանիկական պրոտեզ աորտալ և միտրալ, աորտալ փականի չափսերը՝ 19, 21, 23, 25, 27 և 29, միտրալ փականի չափսերը՝ 25, 27, 29, 31 և 33մմ, մատակարարումը՝ ըստ Պատվիրատուի պատվերի։ Պայմանագրի կատարման փուլում պետք է ներկայացվի ապրանքն արտադրողից կամ վերջինիս ներկայացուցչի կողմից տրված երաշխիքային

նամակ:» Արտադրողի և ապրանքային նշանի անվանում չի նշվել: 2021թ.-ի գնման պլանով նախատեսված ընդհանուր քանակը նշվել է 20 հատ:

iii. Հավելված 1-ով սահմանվել է նաև ընդհանուր պայմաններ, համաձայն որի՝ ապրանքի տեխնիկական բնութագրերում ներառված չափերից բացի, ըստ արտադրողի այլ չափերի առկայության դեպքում, եթե Մասնակիցը համաձայն է մատակարարել նաև դրանք, կարող է Ապրանքի ամբողջական նկարագրով ներկայացնել նաև այդ չափերը կամ կատարել նշում դրա մասին, որը կներառվի կնքվելիք պայմանագրում: Ընդ որում, սույն պայմանը չի նշանակում հրավերի տեխնիկական բնութագրերով ներկայացված չափերից որևէ մեկի փոխարինում այլ չափով, կամ դրա բացակայություն:

Բնութագրերում գնման առարկայի առևտրային նշանին, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին կատարված հղումների հետ միասին հասկանալ «կամ համարժեքը» բառերը:

Մատակարարման ժամկետները և քանակները. Պայմանագրի շրջանակներում Ապրանքի մատակարարումն իրականացվելու է 2021թ. տարվա ընթացքում, ըստ փաստացի պատվերների, ընդ որում յուրաքանչյուր պատվերի առավելագույն քանակը չի կարող լինել ավելի պայմանագրի ընդհանուր քանակի 1/2-ից, եթե դրան համաձայն չէ Վաճառողը: Առաջին խմբաքանակի մատակարարումը Գնորդը չի կարող պահանջել պայմանագրի ուժի մեջ մտնելու օրվանից հաշված 20 օրից շուտ, եթե դրան համաձայն չէ Վաճառողը: Այնուհետև, մատակարարումները պետք է իրականացվեն ըստ փաստացի պատվերների՝ ոչ ուշ քան 5 աշխատանքային օրվա ընթացքում:

Փաստացի կարիքից ելնելով նախատեսված քանակները կարող են ամբողջությամբ չպատվիրվել Պատվիրատուի կողմից և այդ մասով պայմանագիրը համարվում է լուծված հաշվարկային տարվա ավարտով: Մատակարարվող ապրանքները պետք է լինեն նոր, գործարանային փաթեթավորմամբ, պիտանելիության ժամկետները՝

հանձնման պահին առնվազն 75%-ը, բացառությամբ այն դեպքերի, երբ Պատվիրատուն կարիքից ելնելով համաձայնում է ընդունել ավելի կարճ ժամկետով ապրանք:

Ապրանքի մատակարարումը՝ բեռնափոխադրումը, բեռնաթափումը և տեղափոխումը մինչև համապատասխան պահեստ, իրականացվում է Կատարողի ուժերով և միջոցներով ք. Երևան, Արմենակյան 108/4 հասցեով:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացությանը, որ «Մեգիէլ» ՍՊԸ-ի կողմից 10.08.2021թ.-ին ներկայացված բողոքը անհիմն է և ենթակա մերժման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Վերոնշյալ իրավական նորմերի վերլուծության արդյունքում՝ Բողոքներ քննող անձը, փաստում է, որ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավահավասարության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը:

Ինչպես նաև, Բողոքներ քննող անձը հարկ է համարում հավելել, որ վերոնշյալ սկզբունքների ապահովումն ու իրականացումը գնումների օրենսդրության շրջանակներում իրացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը՝ անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց

ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 21-րդ կետի 1-ին ենթակետի

«ա» պարբերության համաձայն՝ ... կազմում և հաստատում է գնման հայտը, որը ներառում է գնման առարկայի բնութագրերը: Ապրանքների գնման դեպքում նշվում է նաև մասնակցի կողմից առաջարկվող ապրանքային նշանի, ֆիրմային անվանման, մակնիշի և արտադրողի վերաբերյալ տեղեկատվության ներկայացման անհրաժեշտությունը, իսկ պայմանագրի կատարման փուլում ապրանքն արտադրողից կամ վերջինիս ներկայացուցչից երաշխիքային նամակի կամ համապատասխանության սերտիֆիկատի ներկայացման անհրաժեշտությունը, եթե դրանք կիրառելի են տվյալ ապրանքի համար: Ընդ որում, պայմանագրի կատարման փուլում այն կնքած մասնակցից ծագման երկրի սերտիֆիկատ չի պահանջվում:

Կարգի 22-րդ կետի համաձայն՝ գնման առարկայի բնութագրերը և մասնակիցների որակավորման հատկանիշների գնահատմանը ներկայացվող չափանիշները սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ...:

Բողոքներ քննող անձն արձանագրում է, որ Ընթացակարգի հրավերի թիվ 1 հավելվածով՝ տեխնիկական բնութագիր-գնման ժամանակացույցով սահմանված ցանկացած պահանջ պետք է ապահովի մրցակցության հավասար պայմաններ հնարավոր մասնակիցների համար, օբյեկտիվորեն հիմնավորված և համարժեք լինի այն կարիքին, որի բավարարման նպատակով կատարվում է տվյալ գնումը:

Տեխնիկական բնութագրով սահմանված այն չափորոշիչների մասով, որոնք պարունակում են հղում ապրանքային նշանին, սահմանված պետք է լինի «կամ համարժեք» արտահայտությունը:

Բողոքներ քննող անձը փաստում է, որ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավահավասարության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տնտեսող, արդյունավետ և օգտավետ իրականացման ապահովումը:

Ինչպես նաև, Բողոքներ քննող անձը հարկ է համարում հավելել, որ վերոնշյալ սկզբունքների ապահովումն ու իրականացումը գնումների օրենսդրության շրջանակներում իրացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը՝ անկախ նրա օտարերկրյա

Ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից:

Բողոքներ քննող անձն փաստում է նաև, որ Ընթացակարգի գնման առարկայի բնութագրերն ամբողջությամբ և հստակ պետք է նկարագրեն ձեռքբերվող ապրանքի հատկանիշները՝ բացառելով տարակերպ մեկնաբանությունը, հնարավոր մասնակիցների համար պետք է ապահովեն մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խոչընդոտների առաջացումը: Ինչպես նաև բնութագիրն օբյեկտիվորեն հիմնավորված և համարժեք պետք է լինի այն կարիքին, որի բավարարման նպատակով հայտարարվել է Ընթացակարգը:

Օրենքի 25-րդ հոդվածի 1-ին մասի 2-րդ կետի համաձայն՝ մրցակցային գնման ձևերի կիրառման ժամանակ առանձին բնութագրեր ունեցող գնումները մեկ գնման գործընթացի շրջանակներում կարող են բաժանվել չափաբաժինների: Արգելվում է՝ մեկ գնման առարկան բաժանել առանձին չափաբաժինների՝ մրցակցային գնման ձևի կիրառումից խուսափելու նպատակով

Նույն հոդվածի 2-րդ մասի համաձայն՝ արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

Վերոնշյալ հոդվածի վերլուծության արդյունքում՝ Բողոքներ քննող անձը հարկ է համարում փաստել, որ առանձին բնութագրեր ունեցող գնման առարկաների խմբավորումը թույլատրվում է միայն այն դեպքում, երբ պատվիրատուն հիմնավորում է նման խմբավորման անհրաժեշտությունը, և միևնույն ժամանակ, սույն դրույթը քննարկելով գնումների օրենսդրության համատեքստում, Բողոքներ քննող անձը գալիս է այն եզրահանգման, որ խմբավորումը չպետք է հանգեցնի հնարավոր մասնակիցների և արտադրողների մասնակցության սահմանափակմանը, քանի որ գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ:

Սույն գործի փաստերի համաձայն՝ «Նորք-Մարաշ բժշկական կենտրոն» ՓԲԸ-ի կողմից բժշկական նշանակության ապրանքների ձեռքբերման նպատակով 28.07.2021թ.-ին հայտարարված «ՆՄԲԿ-ԲՄԱՊՁԲ-21/76» ծածկագրով բաց մրցույթի հրավերի հավելված 6-ով՝ պետության կարիքների համար ապրանքի մատակարարման պայմանագրի հավելված 1-ով՝ տեխնիկական բնութագիր - գնման ժամանակացույցով 1-ից 5-րդ չափաբաժինների մասով սահմանվել է ապրանքի անվանումը, տեխնիկական բնութագիրը և 2021թ.-ի գնման պլանով նախատեսված ընդհանուր քանակը՝ յուրաքանչյուր չափաբաժնի համար

անհատապես, արտադրողի և ապրանքային նշանի անվանում չի սահմանվել: Ինչպես նաև նույն հավելված 1-ով սահմանվել է ընդհանուր պայմաններ, առ այն, որ ապրանքի տեխնիկական բնութագրերում ներառված չափերից (տրամագիծ և երկարություն) բացի, ըստ արտադրողի այլ չափերի առկայության դեպքում, եթե Մասնակիցը համաձայն է մատակարարել նաև դրանք, կարող է Ապրանքի ամբողջական նկարագրով ներկայացնել նաև այդ չափերը, որոնք կներառվեն կնքվելիք պայմանագրում: Ընդ որում, սույն պայմանը չի նշանակում հրավերի տեխնիկական բնութագրերով ներկայացված չափերից որևէ մեկի փոխարինում այլ չափով, կամ դրա բացակայություն: Մատակարարման ժամկետները և քանակները. Պայմանագրի շրջանակներում Ապրանքի մատակարարումն իրականացվելու է 2021թ.-ի տարվա ընթացքում, ըստ փաստացի պատվերների, ընդ որում յուրաքանչյուր պատվերի առավելագույն քանակը չի կարող լինել ավելի պայմանագրի ընդհանուր քանակի 1/2-ից, եթե դրան համաձայն չէ Վաճառողը: Առաջին խմբաքանակի մատակարարումը Գնորդը չի կարող պահանջել պայմանագրի ուժի մեջ մտնելու օրվանից հաշված 20 օրացուցային օրից շուտ, եթե դրան համաձայն չէ Վաճառողը: Այնուհետև, մատակարարումները պետք է իրականացվեն ըստ փաստացի պատվերների՝ ոչ ուշ քան 5 աշխատանքային օրվա ընթացքում: Փաստացի կարիքից ելնելով նախատեսված քանակները կարող են ամբողջությամբ չպատվիրվել Պատվիրատուի կողմից և այդ մասով պայմանագիրը համարվում է լուծված հաշվարկային տարվա ավարտով: Մատակարարվող ապրանքները պետք է լինեն նոր, գործարանային փաթեթավորմամբ, պիտանելիության ժամկետները՝ հանձնման պահին առնվազն 75%-ը, բացառությամբ այն դեպքերի, երբ Պատվիրատուն կարիքից ելնելով համաձայնում է ընդունել ավելի կարճ ժամկետով ապրանք: Ապրանքի մատակարարումը՝ բեռնափոխադրումը, բեռնաթափումը և տեղափոխումը մինչև համապատասխան պահեստ, իրականացվում է Կատարողի ուժերով և միջոցներով ք. Երևան, Արմենակյան 108/4 հասցեով:

Օրենքի 50-րդ հոդվածի 1-ին մասի 5-րդ ենթակետի համաձայն՝ գնումների հետ կապված բողոքներ քննող անձին բողոքը ներկայացվում է գրավոր, ստորագրված, դրանում ներառելով՝ ... բողոքի փաստացի և իրավական հիմքերը, ապացույցները:

Վկայակոչված հոդվածի վերլուծությունից հետևում է, որ ՀՀ գնումների հետ կապված բողոքներ քննող անձը բողոքի քննությունը հարուցում և իրականացնում է միմիայն ներկայացված բողոքի հիման վրա և ենթակա է քննության միայն դրա սահմաններում: Ընդ որում, բողոք ներկայացնելով՝ շահագրգիռ անձն ինքնուրույն է որոշում իր բողոքի պահանջի շրջանակը, ինչը տնօրինչականության սկզբունքի դրսևորման արդյունք է, որն անձի՝ ՀՀ Սահմանադրությամբ և օրենքով նրան տրված հնարավորությունն է սեփական

հայեցողությամբ տնօրինելու իր նյութական և դատավարական (ընթացակարգային) իրավունքները և դրանց պաշտպանության եղանակները:

Բողոքներ քննող անձը հարկ է համարում արձանագրել, որ բողոքի փաստացի և իրավական հիմքերը, ապացույցները ներկայացնելու պարտականությունը դրված լինելով բողոքաբերի վրա, վերջինս է հանդիսանում շահագրգիռ այն անձը, ով, ինքնուրույն որոշելով իր բողոքի պահանջի շրջանակը, պետք է բողոքի հետ միաժամանակ ներկայացնի փաստացի և իրավական հիմքերը, ապացույցները՝ որպես բողոքի բավարարմանն ուղղված էական նշանակություն ունեցող հիմքեր ու հիմնավորումներ: Ընդ որում, օրենսդիրը չի սահմանափակում բողոքի փաստացի և իրավական հիմքերը, ապացույցները ներկայացնել միայն բողոքի հետ միաժամանակ, այլև բողոքաբերը կարող է ու զրկված չէ լրացնելու/փոփոխելու/նվազեցնելու բողոքի փաստացի և իրավական հիմքերը, ապացույցները գործի քննության ընթացքում:

Զարգացնելով վերոգրյալ իրավական դիրքորոշումը՝ Բողոքներ քննող անձը հարկ է համարում փաստել նաև, որ փաստացի և իրավական հիմքեր, ապացույցներ ներկայացնելու պարտականությունը կրում է նաև բողոքի քննությանը ներգրավված յուրաքանչյուր անձ և վերջինիս իր առարկությունների հիմքում ընկած փաստական հանգամանքները, որոնք ուղղված են բողոքով վկայակոչված փաստերի հերքմանը, պետք է նույնպես պարունակեն, ըստ էության, Օրենքի 50-րդ հոդվածի 1-ին մասի 5-րդ ենթակետով սահմանված դրույթներով նախատեսված փաստացի և իրավական հիմքեր, ապացույցներ:

Վերոնշյալ իրավական նորմերի ու փաստական հանգամանքների հիման վրա, դրանք համադրելով Ընկերության կողմից ներկայացված բողոքի փաստական հանգամանքներին՝ Բողոքներ քննող անձը հարկ է համարում փաստել, որ բոլոր այն դեպքերում, երբ բողոքը ներկայացրած անձը բողոքարկում է գնման առարկայի բնութագրերը, նախաորակավորման հայտարարության կամ հրավերի պահանջները, մասնավորապես՝ երբ բողոքի վեճի առարկան հանդիսանում է հրավերում առկա որևէ պայմանի՝ գնումների օրենսդրությանը հակասելու հանգամանքը, ապա այդ՝ բողոքով վկայակոչված փաստական հանգամանքի ժխտման ապացուցման բեռը պետք է կրի պատվիրատուն, քանի որ Կարգի 22-րդ կետի իմաստով գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ: Ուստի, նման դեպքերում, բողոքի քննության ընթացակարգին մասնակցող պատվիրատուն է պարտավոր ապացուցել իր՝ հրավերով սահմանված գնման առարկայի բնութագրերի պահանջների և բողոքի առարկությունների հիմքում դրված ու գործի լուծման համար նշանակություն ունեցող փաստերն ու գնումների մասին ՀՀ օրենսդրությանը համապատասխանելու հանգամանքը:

Ամբողջ վերոգրյալների ու սույն գործի փաստերի հիման վրա, ուսումնասիրելով նաև Պատվիրատուի կողմից 07.09.2021թ.-ին թիվ 08-397 գրությամբ ներկայացված աղյուսակը (այսուհետ՝ Աղյուսակ), դրանում առկա հղումները, ինչպես նաև Բողոքի և ներկայացված բողոքի լրացումներում առկա հանգամանքները՝ Բողոքներ քննող անձն արձանագրում է, որ տվյալ դեպքում, Պատվիրատուն մրցույթի 1-ից 5-րդ չափաբաժինների մասով Բողոքներ քննող անձին ներկայացրել է վերաբերելի ապացույց առ այն, որ վերջինիս կողմից թույլ չի տրվել Օրենքի 13-րդ հոդվածով սահմանված դրույթների խախտում՝ հնարավոր մասնակիցների մրցակցության հավասար պայմանների խոչընդոտման առումով, և որ «ՆՄԲԿ-ԲՄԱՊՁԲ-21/76» ծածկագրով բաց մրցույթի Հավելված 1-ով նախատեսված՝ տեխնիկական բնութագիրը, նշված չափաբաժինների մասով, կազմված է և համապատասխանում է Օրենքի 13-րդ հոդվածի և Կարգի 22-րդ կետի դրույթներին, սահմանված տեխնիկական բնութագրում առկա չափորոշիչները չեն խոչընդոտում հնարավոր մասնակիցների մրցակցության հավասար պայմաններ ունենալու իրավունքը, ուստի մրցույթի 1-ից 5-րդ չափաբաժինների մասով կազմված տեխնիկական բնութագրերը բխում են Օրենքի 13-րդ հոդվածով և Կարգի 22-րդ կետով սահմանված պահանջներից, ըստ այդմ՝ ենթակա չեն փոփոխման:

Անդրադառնալով Պատվիրատուի կողմից մրցույթի հրավերով առանձին բնութագրեր ունեցող գնման առարկաները մեկ չափաբաժնում խմբավորելու վերաբերյալ բողոքով ներկայացված իրավական և փաստական հանգամանքներին, Բողոքներ քննող անձը հարկ է համարում փաստել, որ Մրցույթի 1-ից 5-րդ չափաբաժիններով սահմանված գնման առարկաները չունեն առանձին բնութագրեր, այլ հակառակը, ունեն նման տեխնիկական բնութագրեր, և դրանք ոչ թե խմբավորվել են մեկ չափաբաժնում, այլ հակառակը՝ բաժանվել է առանձին չափաբաժինների, այսինք 1-ին և 2-րդ չափաբաժինների մասով գնման առարկա է հանդիսանում «Փական բիոլոգիական» ապրանքը, իսկ 3-րդ, 4-րդ և 5-րդ չափաբաժինների մասով՝ «Փական մեխանիկական» ապրանքը: Տվյալ պարագայում Պատվիրատուն մեկ գնման առարկան՝ «Փական բիոլոգիական» և «Փական մեխանիկական» ապրանքները բաժանելով առանձին չափաբաժինների մրցակցային գնման ձևից չի խուսափել, այլ ընդհակառակը՝ գնման առարկա հանդիսացող ապրանքները բաժանելով հինգ չափաբաժինների միջև ապահովվել է Օրենքի 13-րդ հոդվածի 2-րդ մասով, Կարգի 22-րդ կետով և Օրենքի 25-րդ հոդվածով սահմանված պահանջները:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում՝ Բողոքներ քննող անձը հանգում է այն եզրակացության, որ «Մեզիել» ՍՊԸ-ի կողմից, Մրցույթի 1-ից 5-րդ չափաբաժինների

մասով, բողոքով բերված փաստերն ու հանգամանքները՝ հնարավոր մասնակիցների մրցակցության հավասար պայմանների խոչընդոտման, ինչպես նաև առանձին բնութագրեր ունեցող գնման առարկաները մեկ չափաբաժնում խմբավորելու առումով, անհիմն են, իսկ Ընթացակարգի պահանջներն հիմնավոր են, ինչի արդյունքում Ընթացակարգի գնահատող հանձնաժողովի կողմից պահպանվել է Օրենքի 13-րդ, 25-րդ հոդվածներով և Կարգի 22-րդ կետով սահմանված պահանջները:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը,

Ո Ր Ո Շ Ե Ց

«Մեգիէլ» ՍՊԸ-ի կողմից 10.08.2021թ.-ին ներկայացված ԳԲԲԱ-ԼՕ-2021/67 ծածկագրով բողոքը մերժել ամբողջությամբ:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆԶ՝**



ԼԵՎՈՆ ՕՇԱՆՅԱՆ